


責任編輯：孫言誠 賀 偉

ISBN 7-5333-0615-5



9 787533 306151 >

EB29/109

四庫全書存目叢書·集部三二四

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092 毫米 16 開本 41.75 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第三二四冊目次

集部·總集類

詩宿二十八卷詩人考世二卷(二)

〔明〕劉一相輯
甘肅省圖書館藏明萬曆三十六年刻本

一

歷朝翰墨選註十四卷

〔明〕屠隆編
上海圖書館藏明萬曆二十四年唐廷仁世德堂刻本

三五九

詩宿二十八卷詩人考世二

卷(二)

〔明〕劉一相輯

甘肅省圖書館藏明萬曆三十六年刻

本

附《四庫全書總目·詩宿二十

八卷》提要

詩宿卷之十六

婁集

長山劉一相彙輯 男鴻訓鴻範鴻采恭閱

章丘木良知

稷山梁蕙 鄭寅校次

關中何補之 來臨訂正

餞送部

驪駒

古逸

驪駒在門僕夫具存驪駒在路僕夫整駕

與蘇武詩三首

漢李陵

詩宿

婁集卷之十六

一

良時不再至離別在須臾屏營衢路側執手野踟躕仰視浮雲馳奄忽互相踰風波一失所各在天一隅長當從此別且復立斯須欲因晨風發送子以殘軀

攜手上河梁游子暮何之徘徊蹊路側悵悵不能辭行人難久留各言長相思安知非日月弦望有有時努力崇明德皓首以爲期

嘉會難再遇三載爲千秋臨河濯長纓念子悵悠悠遠望悲風至對酒不能酬行人懷往路何以慰

我愁獨有盈觴酒與子結綢繆

擬李陵錄別四首

漢無名氏

晨風鳴北林熠燿東南飛願言所相思日暮不垂
帷明月照高樓想見餘光輝玄鳥夜過庭髮髯能
復飛褰裳路踟躕彷徨不能歸浮雲日千里安知
我心悲思得瓊樹枝以解長渴饑

紅塵蔽天地白日何冥冥微陰盛殺氣淒風從此
興招搖西北指天漢東南傾嗟爾窮廬子默行如
履冰短褐中無緒帶斷續以繩瀉水置瓶中焉辨

詩宿

妻集卷之十六

三

滿與澠巢父不洗耳後世有何稱

樂樂三星列拳拳月初生寒涼應節至蟋蟀夜悲
鳴晨風動喬木枝葉日夜零遊子暮思歸塞耳不
能聽遠望正蕭條百里無人聲豺狼鳴後園虎豹
步前庭遠處天一隅苦困獨零丁親人隨風散歷
歷如流星三萍離不結思心獨屏營願得蒼莖枝
以解饑渴情

寂寂君子坐奕奕合衆芳溫聲何穆穆因風動馨
香清言振東序良時著西庠乃命絲竹音列席無

高唱悲意何慷慨清歌正激揚長哀發華屋四坐
莫不傷

古詩

同前

四坐且莫誼願聽歌一言請說銅爐器崔嵬象南
山上枝似松柏下根據銅盤雕文各異類離婁自
相聯誰能爲此器公輸與魯班朱火然其中青煙
颺其間從風入君懷四坐莫不歡香風難久居空
令蕙草殘

送應氏

魏曹植

詩宿

妻集卷之十六

三

清時難復得嘉會不可常天地無終極人命若朝
霜願得展嬋婉我友之朔方親昵並集送置酒此
河陽中饋豈獨薄賓飲不盡觴愛至望苦深豈不
愧中腸山川阻且遠別促會日長願爲比翼鳥施
翮起高翔

丁督護歌二首

宋孝武帝

督護北征去相送落星虛帆檣如芒檉督護今何
渠

督護初征時儂亦惡聞許願作石尤風四山斷行

旅

九日從宋公戲馬臺集送孔令

宋謝靈運

季秋邊朔苦旅鴈違霜雪淒淒陽并腓皎皎寒潭
絜良晨感聖心雲旗興暮節鳴段侯朱宮蘭卮獻
時哲餞宴光有孚和樂隆所缺在宥天下理吹萬
羣方悅歸客遂海隅脫冠謝朝列弭權渾柱渚指
景待樂闋河流有急瀾浮騷無緩轍豈伊川途念
宿心愧將別彼美丘園道喟焉傷薄劣

詩宿

婁集卷之十六

四

又

宋謝瞻

風至授寒服霜降休百工繁林休揚綠密苑解華
叢巢幕無留鷺遵渚有歸鴻輕霞冠秋日迅商薄
清穹聖心眷嘉節揚鑾戾行宮四庭霽芳醴中堂
起絲桐扶光迫西汜歡餘宴有窮逝矣將歸客養
素克有終臨流怨莫從歡心歎飛蓬

送別土宣城

宋鮑照

發鄧流楚思涉淇興衛情既逢青春獻復值白蘋
生廣望周千里江郊謫微明舉爵自惆悵歌管四

誰清頤陰騰前藻淮陽流昔聲樹道慕高華屬路
佇深馨

莫愁樂

宋無名氏

聞歡下揚州相送楚山頭探手抱腰看江水斷不
流

後園餞從兄豫章

齊王儉

夕竟何夕念別開曾軒先風轉蘭蕙流月汎虛
園

別江水曹

齊謝朓

詩宿

婁集卷之十六

五

山中上芳月故人清樽賞遠山翠百重迴流映千
丈花枝聚如雲垂藤散似網別後能相思何嗟異
封壤

臨溪送別

前人

悵望南浦時徙倚北梁步葉上涼風初日隱輕霞
暮荒城迴易陰秋路廣難渡沫泣豈徒然君子行
多露

新宁渚別范零陵節文

前人

洞庭張樂地瀟湘帝子游雲去蒼梧野水還江漢

流停驂我悵望輟權子夷猶心事俱已矣江上徒離憂

送遠曲

前人

北梁辭歡宴南浦送佳人方衢控龍馬平路騁朱輪瓊筵妙舞絕桂席羽觴陳白雲丘陵遠山川時未因一爲清吹激潺湲傷別中

別一丞僧孺

齊王融

首夏實清和餘春滿郊甸花樹雜爲錦月池皎如練如何於此時別離言與宴留雜已鬱紆行舟亦

詩宿 婁集卷之十六

六

遙衍非君不見思所悲思不見

餞謝文學離夜

前人

所知共歌笑誰忍別笑離軒思黃鳥分渚夢蓬蒿沙翻情結遠旆灑淚與行波春江夜明月還望情如何

又

齊虞炎

差池燕始飛幕塵草初輝離人悵東顧遊子愴西歸清潮已焦渚潯露復濡衣一乖當春聚方掩故園扉

估客樂

齊釋寶月

有信數寄書無信心相憶莫作瓶落井一去無消息

別范安成

梁沈約

生平少年日分手易前期及爾同衰暮非復別離時勿言一尊酒明日難重持夢中不識路何以慰相思

餞謝文學離夜

前人

漢池水如帶巫山雲似蓋御汨背吳潮潺湲橫楚

詩宿 婁集卷之十六

七

瀨一望沮漳水寧思江海會以我徑寸心從君千里外

又

梁范雲

陽臺霧初解夢渚水裁綠遠山隱且見平沙斷還續分絃饒苦音別唱多悽曲爾拂後車塵我事東臯粟

送沈記室夜別

前人

桂水澄夜氛桂山清曉雲秋風兩鄉怨秋月千里分寒芝寧共採霜猿行獨聞捫蘿正憶我折桂方

思君

送殷何兩記室

梁王僧儒

掩袖出南浦驅車送上征飄飄曉雲駛
漾漾白潮平不肖余何惜無貲爾勿輕儻
有還書便一言訪死生

新林送劉之遴

梁庾肩吾

旆轉黃山路舟纚白馬津送輪時合
憶分驂各背塵常山喜臨代隴頭悲望秦
欲持漢中策還以贈

征人

詩宿

要集卷之十六

贈王桂陽別

梁吳均

客子慘無歡送別江之千白雲方渺渺
黃鳥尚關關糾紛巫山石合沓洞庭瀾
行衣侵曉露征舸犯夜湍無因停合浦
見此去珠還

相送聯句三首

梁何遜

寸陰常可惜別至倍傷神子瞻天際水
予望路中塵點憫憫岐路側去去平生親
一朝事千里流涕

向三春遜

昔共入門笑今成送別悲君還舊聚處
爲我一嘔

眉王江於今還促膝自此客江湄願子俱停駕看

我獨解維遜

高軒雖駐軫餘日久無輝以我辭鄉淚霑君送別
衣遜

相送

前人

客心已百念孤游重千里江暗雨欲來浪白風初
起

與胡興安夜別

前人

居人行轉軾客子暫維舟念此一筵笑分爲兩地
詩宿

要集卷之十六

九

愁露濕寒塘草月映清淮流方抱新離恨獨守故
園秋

餞謝文學離夜

梁蕭琛

執手無還顧別渚有西東荆吳眇何際煙波千里
通春筍方解籜弱柳向低風相思將安寄悵望南
飛鴻

別蕭諮議

梁宗夬

別酒正參差乖情將陸離悵焉臨桂苑默瞻華
池輕雲流惠采時雨亂清漪眇眇追蘭徑悠悠結

芳枝眷言終何託心寄方在斯

道別席中兵

梁朱超道

數年共棲息一旦各聯翩莫論行近遠終是隔山川長波漫不極高岫鬱相連急風亂還鳥輕寒靜暮蟬扁舟已入浪孤帆漸逼天停車對空渚悵望轉依然

送友人上湘

梁虞羲

濡足送征人褰裳臨水路共盈一樽酒對之愁日暮漢廣雖空舫風悲未可渡佳期難再得願但論詩宿

婁集卷之十六

十

心故沅水日生波芳洲行墜露共知丘壑改同無金石固

秋日別庾正員

陳徐陵

征途愁轉旆連騎慘停鑣朝氣凌疎木江風送落潮青雀離帆遠朱鷺別路遙唯有當秋月夜夜上河橋

隴頭送征客

陳周弘正

朝霜侵漢草流沙度隴飛一聞流水曲行住兩霑衣

征虜亭送新安王應令

陳張正見

鳳吹臨南浦神駕饒東平亭迴漳水乘旆轉洛濱笙地凍班輪響風嚴羽蓋輕燒田雲色暗古樹雪花明岐路一回首流襟動膚情

別永新侯

陳江總

送君張掖郡分悲函谷關欲知腸斷絕浮雲去不還

別袁昌州

前人

河梁望隴頭分手路悠悠徂年若驚電別日欲成詩宿

婁集卷之十六

十一

秋黃鵠飛飛遠青山去去愁不言雲雨散更似東西流

攜手上河梁

前人

早秋天氣涼分手關山長雲愁數處黑木落幾枝黃鳥歸猶識識路流去不知鄉秦川心斷絕何悟是河梁

送庾羽騎抱

北齊鄭公超

舊宅青山遠歸路白雲深遲暮難爲別搖落更傷心空城落日影迴地浮雲陰送君自有淚不假聽

猿吟

入關故人送別

北周王褒

百年餘古樹千里間黃塵關山行就近相看成遠人

別陸子雲

前人

解纜出南浦征權且凌晨還看分手處唯餘送別人中流搖蓋影邊江落騎塵平湖開曙日細柳發新春滄波不可望行雲聊共因

送周尚書弘正二首

北周庾信

詩宿

婁集卷之十六

十三

交河望合浦玄菟想朱鳶共此無期別知應復幾年

離期定已促別淚轉無從惟愁郭門外應足數株松

贈別司馬幼之南聘

隋盧思道

故交忽千里輜車蒞遠道幽人重離別握手送征行晚霞浮極浦落景照長亭拂霧揚龍節乘風遡鳥旌楚山百重映吳江萬仞清夏雲樓閣起秋濤惟蓋生陸侯持寶劍終子繫長纓前修亦何遠君

其勗令名

別周記室

隋王胄

五里徘徊鶴三聲斷絕猿何言俱失路相對泣離尊別意悽無已當歌寂不喧貧交欲有贈掩涕竟無言

別宋常侍

隋尹式

遊人杜陵北送客漢川東無論去與住俱是一飄蓬秋鬢含霜白衰顏倚酒紅別有相思處啼鳥雜夜風

詩宿

婁集卷之十六

十三

送蔡君却入蜀二首

隋孔德紹

金陵已去國銅梁忽背飛失路遠相送他鄉何日歸

靈關九折險蜀道二星遙乘查若有便希泛廣陵潮

送金敬陵入蜀

隋崔信明

金門去蜀道玉壘望長安豈言千里遠方尋九折難西上君飛蓋東歸我挂冠猿聲出峽斷月彩落江寒從今與君別花月幾新殘

送別

隋釋智才

鏡中辭舊識，灞岸別新知。
年來未應老，祇爲數經離。

賦得明月照高樓

唐楊潛

高樓一何綺，素月復流明。
重軒望不極，餘暉攬詎盈。
鏡華當牖照，鉤影隔簾生。
逆愁異尊酒，對此難爲情。

登薊丘樓送賈兵曹入都

唐陳子昂

東山宿昔意，北征非我心。
孤負平生願，感涕下霑襟。

妻集卷之十六

十四

襟莫登薊樓，上承望燕山。
岑遼海方漫漫，胡沙飛且深。

蛾眉杳如夢，僊子曷由尋。
擊劍起嘆息，白日忽西沉。
聞君洛陽使，因子寄南音。

同工部李侍郎送司馬白雲歸天台

唐沈佺期

紫微降天僊，丹地投雲藻。
上言華頂事，中問長生道。
華頂居最高，大壑朝陽早。
長生術何妙，童顏後天老。
清晨朝鳳京，靜夜思鴻寶。
馮崖飲靈氣，過澗摘靈草。
人非塚已荒，海變田應燥。
昔嘗遊北郡，三

霜弄溟島緒，言霞上開機。
事塵外，掃頃來迫世務。

清曠未云保，崎嶇待漏恩。
怵惕司言造，軒皇重齋拜。
漢武愛祈禱，順風懷崆峒。
承露在豐鎬，冷然姜輕馭。
復得散幽抱，柱下留伯陽。
儲闈登四皓，聞有參同契。
何時一探討。

送趙六貞固

唐宋之問

目斷南浦雲，心醉東郊柳。
怨別此何時，青芳來已久。
與君共時物，盡此盈尊酒。
始願今不從，春風戀攜手。

詩宿

妻集卷之十六

十五

送丁大鳳進士赴舉呈張九齡

唐孟浩然

吾觀鵠鶴賦，君負王佐才。
惜無金張援，十上空歸來。
棄置鄉園老，翻飛羽翼摧。
故人今在位，岐路莫遲迴。

送從弟落第後歸會稽

前人

疾風吹征帆，倏爾向空沒。
千里去俄頃，三江坐超忽。
向來共歡娛，日夕成楚越。
落羽更分飛，誰能不驚骨。

送內尋廬山女道士李騰空

唐李白

君尋騰空子應到碧山家
水春雲每碓風拂石楠
花若戀幽居好相邀弄紫霞

送楊山人歸嵩山

前人

我有萬古宅嵩陽玉女峯
長留一片月掛在東溪
松爾去掇僊草萑蒲花紫茸
歲晚或相訪青天騎白龍

餞校書叔雲

前人

詩宿

李集卷之十六

十六

少年費白日歌笑矜朱顏
不知忽已老喜見春風
還惜別且爲歡徘徊桃李間
看花飲美酒聽鳥臨晴山
向晚竹林寂無人空閉關

魯郡東石門送杜二甫

前人

醉別復幾日登臨徧池臺
何時石門路重有金樽
開秋波落泗水海色明徂徠
飛蓬各自遠且盡手中杯

金鄉送韋八之西京

前人

客自長安來還歸長安去
狂風吹我心西掛咸陽

樹此情不可道此別何時遇
望望不見君連山起煙霧

洞庭醉後送絳州呂使君果流澧州

前人

昔別若夢中天涯忽相逢
洞庭破秋月縱酒開愁
容贈劒刻玉字延平兩蛟龍
送君不盡意書及鴈迴峯

送溫處士歸黃山白鵝峯舊居

前人

詩宿

李集卷之十六

十七

黃山四千仞三十二蓮峯
丹崖夾石柱萬箇金芙蓉
伊昔昇絕頂下窺天目松
僊人鍊玉處羽化留餘蹤
亦聞溫伯雪獨往今相逢
採秀辭五嶽攀巖歷萬重
歸休白鵝嶺渴飲丹砂井
鳳吹我時來雲車爾當整
去去陵陽東行行芳桂叢
迴溪十六度碧嶂盡晴空
他日還相訪乘橋躡綵虹

送崔十二遊天竺寺

前人

還聞天竺寺夢想懷東越
每年海樹霜桂子落秋
月送君遊此地已屬流芳歇
待我來歲行相隨浮

溟渤

同王昌齡送族弟襄歸桂陽

前人

秦地見碧草楚謠對清樽把酒爾何思鷓鴣啼南
園余欲羅浮隱猶懷明主恩躊躇紫宮戀孤負滄
洲言終然無心雲海上同飛翮相期乃不淺幽桂
有芳根

秋日魯郡堯祠亭上宴別杜補闕范侍御

前人

詩宿

要集卷之十六

十八

我覺秋興逸誰云秋興悲山將落日去水與晴空
宜魯酒白玉壺送行駐金羈歇鞍憩古木解帶挂
橫枝歌鼓川上亭曲度神飈吹雲歸碧海夕鴈沒
青天時相笑各萬里茫然空爾思

博平鄭太守自廬山千里相尋入江夏北市

門見訪却之武陵立馬贈別

前人

大梁貴公子氣蓋蒼梧雲若無三千客誰道信陵
君救趙復存魏英威天下聞邯鄲能屈節訪博從

毛薛夷門得隱淪而與侯生親仍要鼓刀者乃是
袖槌人好士不盡心何能保其身多君重然諾意
氣遙相託五馬入市門金鞍照城郭都忘虎竹貴
且與荷衣樂去去桃花源何時見歸軒相思無終
極腸斷朗江援

送祖詠

唐盧象

田家宜伏臘歲晏子言歸石路雪初下荒村雞共
飛東原多煙火北澗隱寒輝滿酌野人酒倦聞隣
女機胡為困樵采幾日罷朝衣

詩宿

要集卷之十六

十九

送別

唐王維

下馬飲君酒問君何所之君言不得意歸臥南山
陲但去莫復問白雲無盡時

齊州送祖三

前人

相逢方一笑相送還成泣祖帳已傷離荒城復愁
入天寒遠山淨日暮長河急解纜君已遙望君猶
佇立

別弟綰後登青龍寺望藍田山

前人

陌上新別離蒼茫四郊晦登高不見君故山復雲
外遠樹蔽行人長天隱秋塞心悲遊宦子何處飛
征蓋

別綦母潛

前人

端笏明光宮歷稔朝雲陞詔刊延閣書高議平津
邸適意偶輕人虛心削繁禮盛得江左風彌王建
安體高張多絕絃截河有清濟嚴冬爽羣木伊洛
方清泚渭水冰下流潼關雪中啓荷篠幾時還塵
纓待君洗

詩宿

妻集卷之十六

三十

送綦母潛落第還鄉

前人

聖代無隱者英靈盡來歸遂令東山客不得顧採
薇既至君門遠就云吾道非江淮度寒食京洛縫
春衣置酒臨長道同心與我違行當浮桂櫂未幾
拂荆扉遠樹帶行客孤城當落暉吾謀適不用勿
謂知音稀

送魏郡李太守赴任

前人

與君伯氏別又欲與君離君行無幾日當復隔山
陂蒼茫秦川盡日落桃林塞獨樹臨關門黃河向

天外前經洛陽陌宛洛故人稀故人離別盡淇上
轉驂駢企予悲送遠惆悵睢陽路古木官渡平秋
城鄴宮故想君行縣日其出從如雲遙思魏公子
復憶李將軍

送高道弟耽歸臨淮作

前人

少年客淮泗落魄居下邳遨遊向燕趙結客過臨
淄山東諸侯國迎送紛交馳自爾厭遊俠閉戶方
壺帷深明戴家禮頗學毛公詩備知經濟道高臥
陶唐時聖主詔天下賢人不得遺公吏奉纁組安
詩宿

妻集卷之十六

三十一

車去茅茨君王蒼龍關九門十二達羣公朝謁罷
冠劍下丹墀野鶴終踉蹌威鳳徒參差或問理人
術但致還山詞天書降北闕賜帛歸東菑都門謝
親故行路日逶迤孤帆萬里外森漫將何之江天
海陵郡雲日淮南祠杳冥滄洲上蕩漭無人知緯
蕭或賣藥出處安能期

送友人使河源

唐賈至

送君魯郊外下車上高丘蕭條千里暮日落黃雲
秋舉酒有餘恨論邊無遠謀河源望不見旌旆去

悠悠

別王徹

唐高適

歸客自南楚，悵然思北林。蕭條秋風暮，迴首江淮深。
留連愁作歡，或爲梁甫吟。時輩思鵬舉，他人嗟陸沉。
載酒登平臺，贈君千里心。浮雲暗長路，落日有歸禽。
離別未足悲，辛勤當自任。吾知十年後，季子多黃金。

送韓九

前人

惆悵別離日，徘徊岐路前。歸人望獨樹，匹馬隨秋
詩宿
常與天下士，許君兄弟賢。良時正可用，行矣莫
徒然。

送王大昌齡赴江寧

唐岑參

對酒寂不語，悵然悲送君。明時未得用，白首徒攻
文。澤國從一官，滄波幾千里。羣公滿天闕，獨去過
淮水。舊家富春渚，嘗憶臥江樓。自聞君欲行，頻望
南徐州。窮巷獨閉門，寒燈靜深屋。北風吹微雪，抱
被肯同宿。君行到京口，正是桃花時。舟中饒孤興，
湖上多新詩。潛虬且深蟠，黃鶴飛未晚。惜君青雲

器努力加餐飯

送祁樂歸河東

前人

祁樂後來秀，挺身出河東。往來詣驪山，獻賦甘泉
宮。天子不召見，揮鞭遂征戎。前月還長安，囊中金
已空。有時忽乘興，盡出江上峯。牀頭蒼梧雲，簾下
天台松。忽如高堂上，颯颯生清風。五月火雲屯，氣
燒天地紅。鳥且不敢飛，子行如轉蓬。少華如首陽，
隔河勢爭雄。新月河上出，清風滿關中。置酒灞亭
別，高歌披心膺。君到故山時，爲謝五老翁。

詩宿

妻集卷之十六

二十三

別唐十五誠因寄禮部侍郎賈至

唐杜甫

九載一相逢，百年能幾何。復爲萬里別，送子山之
阿。白鶴久同林，潛魚本同河。未知棲集期，衰老強
高歌。歌罷兩悽惻，六龍忽蹉跎。相視髮皓白，况難
駐。羲和胡星墜，燕地漢將仍。橫戈蕭條四，海內人
少豺虎多。多少人慎莫投多虎，信所過饑有易子食
獸。猶畏虞羅子，負經濟才天門鬱嵯峨。飄飄適東
周，來往若崩波。南宮吾故人，白馬金盤陀。雄筆映

千古見賢心靡他念子善師事歲寒守舊柯爲吾
謝賈公病肺臥江池

送陸權

唐常建

聖代多才俊陸生何考槃南山高松樹不合空摧
殘九月湖上別北風秋雨寒殷勤歎孤鳳早食金
琅玕

送李十一尉臨溪

前人

泠泠花下琴君唱渡江吟天際一帆影預懸離別
心以言神僊尉因致瑤華音回軫撫商調越溪澄
詩宿

妻集卷之十六

二十四

碧林

古別離

唐張彪

別離無遠近事歡情亦悲不聞車輪聲後會將何
時去日忘寄書來日乖前期縱知明當返一息千
萬思

送李十四山東遊

唐韋應物

聖朝有遺逸披膽謁至尊豈是質榮寵言將救元
元權豪非所便書奏寢禁門高歌長安酒忠憤不
可吞歛來客河洛日與靜者論濟世翻小事丹砂

駐精魂東遊無復繫染楚多大藩高論動侯伯疎
懷脫塵喧送君都門野飲我林中樽立馬望東道
白雲滿梁園踟躕欲何贈空是平生言

古別離二首

唐李端

水國葉黃時洞庭霜落夜行舟問商賈宿在楓林
下此地送君還茫茫似夢間後期知幾日前路轉
多山巫峽通湘浦迢迢隔雲雨天晴見海橋月落
聞津鼓人老自多愁水深難急流清宵歌一

與君桂陽別令君岳陽待後事轉差池前期日空

詩宿

妻集卷之十六

二十五

在木落鴈噉噉洞庭波浪高遠山雲似蓋極浦樹
如毫朝發能幾里暮來風又起如何兩處愁皆在
孤舟裏昨夜天月明長川寒且清菊花開欲盡蒼
菜泊來生下江帆勢速五兩遙相逐欲問去時人
知投何處宿空令猿嘯時泣對湘潭竹

盧十五竹亭送姪偏歸山

唐楊衡

落葉寒擁壁清霜夜霑石正是憶山時復送歸山
客殷勤一樽酒曉月當窗白

遊子吟

唐孟郊

慈母手中線遊子身上衣臨行密密縫意恐遲遲歸難將寸草心報得三春暉

洛中晴月別殷四入關 唐劉庭芝

清洛浮橋南渡頭天晶萬里散華洲晴看石漱光無數曉入圓潭浸不流微雲一點曙煙起南陌憶慳過行子欲將此意與君論復道秦關向千里和盧明府送鄭十三還京兼寄之什

唐孟浩然

昔時風景登臨地今日衣冠送別筵醉坐自傾彭

詩仙 妻集卷之十六 三十六

澤酒思歸長望白雲天洞庭一葉驚秋早渡落空

送王七尉松滋得陽臺雲 前人

君不見巫山神女作行雲霏紅沓翠曉氛氲嬋娟流入襄王夢倏忽還隨零雨分空中飛去復飛來朝朝暮暮下陽臺愁君此去爲僊尉便逐行雲去

送程劉二侍御兼獨孤判官赴安西幕府

唐李白

安西幕府多材雄喧喧惟道三數公繡衣貂裘明積雪飛書走檄如飄風朝辭明主出紫宮銀鞍送別金城空天外飛霜下蔥海火旗雲馬生光彩胡塞塵清幾日歸漢家章綬遙相待

與諸公送陳郎將歸衡陽 前人

衡山蒼蒼入紫冥下看南極老人星迴飈吹散五峯雲往往飛花落洞庭氣清目秀有如此郎將一家拖金紫門前食客亂浮雲世人皆比孟嘗君江上送行無白壁臨岐惆悵若爲分

詩仙 妻集卷之十六 三十七

同王昌齡送族弟襄歸桂陽

前人

爾家何在瀟湘川青沙白石長江邊昨夢江花照江國幾枝正發東臆前覺來欲往心悠然魂隨越鳥飛南天秦雲連山海相接桂水橫煙不可涉送君此去令人愁風帆茫茫隔河州春潭瓊草綠可折西寄長安明月樓

別梁鎰 唐李頎

梁生倜儻心不羈途窮氣蓋長安兒回頭轉盼似